



09410

敬業堂詩集卷三十八

海寧 查慎

槐蔭集下 起庚寅正月 盡閏七月

庚寅元日試筆戲效樂天體

朝回剝啄門無客家會團圞巷有鄰 潤木寓相 去一里許 簷竹半

經霜歷捺盆梅全得雪精神顛毛白後無多許花甲周

來第一春除却過頭年六十另編詩藁起庚寅

湯西厓前輩見和元日試筆詩再疊奉訓

不愁遼海阻音塵 西厓初自奉天 少尹陞任回京 劇喜還朝作並隣客

疾過年當勿藥新詩拈筆果如神溪山偕往知何日步

屨相隨要及春只恐官高歸未易釣磯端合付徐寅 西厓

敬業堂詩集卷三十八

將以疾告故云唐徐寅歸老延壽溪 作釣磯探龍二編僕意以此自況也

立春前一夕小飲西厓寓齋三疊前韵

歸休終傍漳南宅 西厓近買宅海鹽 余亦將移居於此 偏仄今充巷北隣

無事不嫌頻扣戶坐談常恐太勞神燈前對影流連夕

花底開懷準擬春探借盤筵報佳節先庚三日午辰寅

蘇氏易傳先庚三日午辰寅也 後庚三日子戌申也

湯納時表弟次前韵見寄四疊韵

衰遲會合且風塵下榻閒坊近接隣每憶兒時纔轉瞬

不談舊事怕傷神雪封村路梅花夢酒汎行厨栢葉春

壽骨不知相似否與君初度再庚寅 范石湖六十一歲 自賦詩四人同丙

年初度再庚寅弟與 余同年生故引之



劉若千前輩枉和新篇五疊前韵奉荅

多年文酒追陪地君有餘波每照隣曾向桓驄展風力  
愛從稽鶴領姿神校書館閣閒中老夢草池塘句裏春  
敢擬唱酬稱執友後先官簿託同寅

瓶中菊花入春未萎西厓前輩樓村同年聞之

各以詩相賀賦謝一首

兩枝黃白膽瓶中猶記秋深折淺叢能伴幽人過殘臘  
始知大地有春風延齡疑致神仙訣勺水終資造化功  
苦被蚤梅催替代虛慙矜賞兩詩翁

六疊前韵荅樓村同年

不分君貧我更貧何曾祭竈請比隣筆花入夢能為祟

敬業堂詩集卷三十八

二

銅臭如錢豈有神陋巷幾家還賀歲東郊昨日又班春  
典衣纔了尋常債踏麩重思趁上寅造麩用七月上寅見長慶集

七疊前韵荅劉大山同年

詩酒劉家代有人不煩事事乞諸隣篇章分得隨州派  
釀法爭傳白墮神來詩用賈島杜康故以此荅樂歲人情初見雪他

鄉時序怯逢春憑君對我誇張少莫把生申比降寅大山

丙申生偶借用嵩高語

西厓生日再次瓶菊韵奉東

昏參旦尾報方中又見蘭芽茁雪叢初度年年作人日  
官居處處舉鄉風閒吟喜帶松篁氣却病何關藥餌功  
要識翛然出塵意散花方丈淨名翁

試燈前二夕再飲西厓齋即席分賦得鈎字

簾閣春寒未上鈎重來竟夕為淹留印泥開酒波紋汎  
雪窖移花蘊火柔出漢書召信臣傳才小媿參諸葛坐格高可

怕老元偷樂天詩每被老元偷格律回思三十年交舊幾個如新到

白頭

八疊前韵荅同年吳南村

與君日日為同直千方何須更買隣筆退管城堪作冢

針傳繡譜豈無神青袍似草風驚曉蒼鼠如松雪鬪春

好乞上元速夕假重呼儕輩會二寅明日十二方逢寅同年又有公會

盆梅

姑射有仙人冰肌故綽約歲寒守岩谷風雪從饕虐無

敬業堂詩集卷三十八

三

端被巧匠裁接移根脚本是桃寄生而含梅跗萼經冬

傍花窖漸亦喜熏灼昨登廟市來帶土入城郭千錢買

一本身為解其縛我室清如水依然愁冷落瓦盆一小

器局促焉足託本性倘可回相期返丘壑

若干前輩見和瓶菊詩再次韵奉荅

結為三友歲寒中松竹行邊菊有叢併與梅同禁朔雪

不教蘭獨占東風裊遲光景參差信冷澹生涯長養功

此段閒情應入畫畫將林叟配陶翁時方屬蔣西君補圖以折枝梅花作

配

試燈夕吳篁村同年招集陶然亭

春來日日喜春晴邀我同遊不夜城燈火參差亭北面

管絃清脆月初更探花不減年時會對酒偏傷老大情  
五十二人官太冷

癸未同年在詞館者五十二人

多君獨着繡衣行吳時

由戶部郎改授侍御

### 雪後獨赴書局

銀鑰初開右掖門最先衝雪到朱軒鴉穿鬢松翻林影  
鴿下果魚印爪痕釦砌凝水防履滑茸裘呵凍就爐溫  
此時忽動撚鬚興憶着橋邊竹外村

### 戲為四絕句呈西厓桐野兩前輩

碧海鯨鯢杜陵老虛空驟駢王川翁後生不自量才力  
却道同遊弄彀中

顛倒波濤拆海圖補將百衲綴諸于天機雲錦非鴛繡

### 敬業堂詩集卷二十八

四

縱有金針度得無

百年神物在泥蟠俗筆多從委蛻看誰遣通身鱗甲活  
畫龍容易點睛難

不知此曲唱誰家第一燈傳梵釋迦妙處可容添語句  
故應微笑對拈華

折早梅一枝插菊花瓶中蔣酉君同年繪二隱

### 圖見贈并系以詩次韵奉詠

秋英春蕊忽交枝耐久翻成邂逅期高士累朝多合傳  
佳人絕代少同時不爭犯雪開能蚤頗訝經霜萎獨遲  
何物報君圖贈意亟來花畔對傾巵

燕九日郭于宮范密居招諸子社集演洪稗畦

長生殿傳奇余不及赴口占二絕句答之

曾從崔九堂前見法曲依稀猗段傳不獨聽歌人散盡  
教坊可有李龜年憶已巳秋事

上客紅筵興自酣風光重說後三三老夫別有燒香曲  
憑向聲聞斷處參

題西君同年花果冊四首

淡墨染花頭花心點焦墨不似戲猫圖寫生煩設色徐崇

嗣有芍藥戲猫圖

畫竹葉欲密畫蘭葉欲稀破空三五筆筆勢如飛  
南村有諸楊不數陳家紫目憫朶吾願朝來吐饒水

蒲鴿青連蔓移根入塞難曾從天上副賸許畫中看禮記

敬業堂詩集卷三十一

五

爲天子割瓜者副之

花朝集忍冬齋月下飲泥光春用東坡定惠院

月夜韵

始雷送雨作花朝午後微雨初聞雷聲片月流空轉清夜故人招

我動春酌繫馬門前古槐下初聞鏘器隔窗鳴忽卷湖

光入懷瀉碧壺貯液清澱灑黃糯米流膏香穠亞淡交滋

味均有無久客杯槃通假借自然真趣出酬勸豈比恒

情論報謝篤嗜誰分南北筭群謹會恼東西舍已拚豪

舉任投轄待析狂醒須挫蔗張協都蔗賦挫斯蔗以療渴從君泥飲

痛不辭與世周旋老尤怕何當口業並消除庶免人傳

供笑罵

分賦肅寧八月桃二首

玉帶河邊花似錦  
南陽曠畔實如拳  
不嫌雪黍年光晚  
長記幽風剝棗天

六月關南進荔枝  
西風北產熟偏遲  
行宮瓜果中秋

宴珍重金盤拜

賜時五年前扈從口外  
曾蒙賜食此品

題王海文修撰秋林讀易圖二首

夢裏吞來記得不  
韋編重對纈林秋  
三爻已足科名用  
一半還須向上求

君家易學吾能說  
前有通元後發微

晉王長文撰易通元經唐王子安著

易發微世俗但傳王輔嗣  
不知理數本同歸

幽蘭

敬業堂詩集卷三十八

六

蘭兮蕙之族  
幽者特早芳  
見別疑似間  
獲升君子堂  
初來羞自獻  
既吐還深藏  
氣味則相親  
無風亦悠颺  
老禪適靜坐  
鼻觀通微香

淘渠

京師飲汲井城減  
但流惡家家門前溝  
歲歲費淘摸  
九衢豈不寬  
所向防失脚  
東風連日霽  
桃李嬌陽春  
看取溝中泥  
還為衣上塵  
衣沾胡足道  
奈此塵污人

寒食詞

鈿車隱隱走輕雷  
兒女相將上冢回  
不管小桃攀折苦  
競攜春色入城來

題吳寶厓西溪梅雪圖二首

苔枝殊冷澹况乃壓枝雪此時西窗琴孤絃凍應折知音眼看少古調誰見別聊爾動微吟含毫寫清絕硯冰渙渙散酒耳烏烏熱多謝造門人毋來污吾潔

我愛新城詩一緘寄冰雪溪山如在眼欲往屐齒折畫圖與真境莫作強分別興到神亦俱雙清兩竒絕相逢山中侶一笑回暖熱洗我筆端塵從渠噴太潔

### 殿庭草

東風吹綠花靚縫下有陳根幾百年惆悵履綦遺跡盡雍和門外浴堂前

### 菊苗

去秋所種菊墻角委土梗老眼無留花過時寧復省旬

敬業堂詩集卷三十八

七

來春雨足百卉擢條穎嗟爾一寸根勾萌亦自逞回青識故處閱白感俄頃九陌交輪蹄千林競桃杏吾苗尚毫末即事笑幽屏

三月十八日曉出西便門至暢春園天始明

夜枕過雷雨薄雲開朝晴起乘殘月影快作西郊行好風從東來初日烟中生村村花柳氣寺寺鐘魚聲草色旣芊眠溪流亦洄潑于焉愜野趣瞥爾遺宦情長恐芳訊闌坐聞鸚鵡鳴白頭誰料理撫景中怍怍

院長揆公於園池小洲上新構亭榭落成自賦

四詩其末章專以見屬次訓原韵

面面軒窗盡枕流轉於空濶得深幽負山有力輪鼈背

畫壁何年倩虎頭。皓月激波宵似書。踈簾清簟夏先秋。  
尤宜落日平臺上。遠景蒼茫咫尺收。

四首新詩自落成。尚留齋筭待余名。雲烟物態論今昔。  
風雨心期閱晦明。潑刺紅鱗當檻躍。襪白鷺導舟行。  
人間擾攘知何限。不博先生笑絕纓。

只擬松高對阮論。朝回一意避塵喧。瓣香自覺心源淨。  
明鏡端除眼界昏。菱葉牽絲縈瓦影。桃花拍浪沒橋痕。  
此中何處容殘客。應許扶藜獨扣門。

神問身心影。苔形籬杉徑。竹對亭亭開。編一盞供浮白。  
排闥千峯與。送青鶴跡愛穿花底。魚歌長憶雨中聽。  
年來自嘆才將盡。擬向詩仙更乞靈。

敬業堂詩集卷三十一

八

從院長乞園中新笋次昌黎和侯協律咏筍二

十六韵

及見初移植。清陰漸滿軒。万竿殊不惡。五畝遽爲煩。篠  
簞年將老。篔簹定有孫。遠旬雷啟蟄。前夜雨翻盆。駘長  
纔分寸。爭高自曉昏。密侵苔錦厚。尖透麥風溫。鳳凰形  
粗具。龍雛勢欲騫。攢攢犀角利。隱隱豹斑存。行列雖無  
次。縱橫亦有垠。合充嘉客饌。何待老饕言。趁取猶含籜。  
兼當未易根。斫教開鶴徑。養祇護羝藩。幾費輕籠貯。曾  
勞重馬奔。千錢空市肆。束帛吝丘園。昔享山僧供。今希  
地主恩。須防行礙屐。那計避踰垣。芼豈資薑桂。香應敵  
菹蓀。釜烹憐久缺。臺餽望頭番。賤嗜終成癖。竒珍且勿

論人情知貴少物類要刪繁蠹簡餘殘債東坡詩多生債 饑腸待飽殮堪啣惟食肉所忌亦當門正使因風折何如帶土掀解饒勝嚼竹勸醉留髡願朶頻搔首詩成乍悅魂馬軍煩走送炊玉迨朝暉

鶴雛和院長作

太息胎仙種無端墮卵生羽毛存逸性風露學長鳴已作離群立還看傍母行鵝王爲擇乳雞粒莫相爭

院長餉水鳥卵數十枚兼侑以詩次荅

菰蔣深處有飛翰百族成群影不單遙想母歸雛已散誰知巢覆卵猶完君緣野味分相餉我愛溪毛聚作團擬倩家禽爲啄菹勺圓未忍淪登盤

敬業堂詩集卷三十八

九

劉若干前輩招集聽雨樓用少陵重過何氏園

林五首韻

白髮春垂暮昏昏日校書忽聞傳尺牘招我過園廬簾引新巢燕床拋舊佩魚此中饒勝賞大可賦閒居

締搆尤加密規模故不移種花多結子看鶴又生兒樹影搖朱舫苔痕上綠陂自然饒野趣高下有疎籬

高閣披襟處斜陽脫帽時流連今夕酒惆悵去年詩藤亞交頭杖蛛垂拂面絲獨來吾不厭况與故人期

頗憶家鄉趣閒談味更長露梢開粉澤雨葉展旗槍久客徒漂梗浮生劇夢梁蹉跎十年計種樹恐倉皇

主賓原略分師友亦忘年愛讀先生句如聽古澗泉狂

猶能奮袂老只想歸田正爾良非易回頭各惘然

予昨作詩從院長乞筍有馬軍煩走送之句院長謂余兼欲致酒也今日大風遣人餉筍及菊

釀二壘以詩索和次荅

乞筍何當更致醪咲余母乃太倉饕頓教野老寒蔬賤

不怕隣姬酒價高一飯解苞登玉饌

黃山谷謝人送筍詩都城一飯炊白

玉又云豹文解籜饌寒玉

三升出甕湧詩濤

孟郊詩云詩骨聳東野詩濤湧退之只慚

指動真踰分仙爪能從背癢搔

院長以詩餉櫻桃次來韵

小摘枝頭鳥未殘遠從筐筥照吾盤珊瑚碾出千絲網鉛汞燒成万粒丹憶舊如雷門下賜嘗新合讓野人餐

敬業堂詩集卷三八

十

條水况味公能識熱不須蠲要辟寒

院長折園中雜花見貽以詩索和次荅

霧裏看花未屬厭煩分春色到窮簷儘教語燕來窺硯便有遊蜂伺捲簾俄影自搖殘燭短餘香欲度晚風尖多生結習除難盡容易波羅一咲拈

松花和院長

謾謾風吹墜粉乾似花仍不作花看滲成竺國瞿曇面染得華陽道士冠鶴翅勤來因掃拂蜂須難覓爲高寒神方果有輕身訣斲取陰脂試共餐

或云紫藤花蕊可淪以點茶下酒從自怡園采

一斗許試之香味果清絕戲作一詩東陳南麓

都諫周桐野侍讀兩家富有此花故以方法報  
之

牛酥煎牡丹方法傳自昔藤花故見遺開謝任狼籍客  
從山中來云此堪齟齬貧家乏餽飭一味忍輕擲飾庭  
雖無緣謀野乃有獲郊園腓百卉高蔓走千尺瓔珞垂  
紫英晴光燭晨夕畦丁幸許致爛熳助采摘一一柳貫  
魚頰筐手親劈天生物無棄祇在人愛惜于湘味食經  
試以己意逆水淪既良方火攻非下策屏除蜀椒辣點  
綴吳鹽白果然發芳鮮出釜登几席豈惟悅我口亦用  
酬吾客人誰知正味事喜出創闢明朝馳短箋鄭重告  
詩伯兩家富旨蓄迨此花滿格俯笑王濬冲營私鑽李

敬業堂詩集卷三十八

上

核仰慙陸魯望未免杞菊癖

題酉君畫荔支圖二首

四月則太早七月則太遲上品貴適中熟當小暑時其  
株皆合抱頰實高纍纍色香與味三妙取帶葉枝金盤  
薦華屋不以遠見遺向非玉堂仙誰寫水雪肌水雪故  
難剖畧煩點臙脂如披蔡家譜而讀蘇公詩

粵人既夸粵閩人亦夸閩君少飭粵齎吾衰飽閩珍兩  
舌雖不同知味諒乃均別來各踰紀夢想猶隔晨多君  
繪成圖見畫如見真又復索題句與傳畫精神一枝風  
露鮮齒頰回津津何必三百顆長作嶺南人

聽琴工吳觀心彈欸乃作歌贈之

九疑之麓瀟湘之澤碧羅帶繞青瑤簪元音一散万万  
古墮入泱泱氣鬱沈漁翁鼓棹如鼓琴晚遇元次山柳  
子厚為知音却將歎乃曲寫出烟波心雨濛濛兮木枰  
樛鷗鳴低飛猿叫露一聲兩聲斑竹裂十里五里江天  
陰秋風掠岸涼吹襟思婦夜敲斷續碁忽然日出花滿  
林黃鸝紫燕春惜惜遊絲飄空幾千尺山長水濶無古  
今乍高乍墜勢莫禁愈近愈遠端難尋不知覲面者誰  
子恍若獨坐成連海外之孤岑吳生絕技廼至此正氣  
所感感更深我思欲學奈衰老心粗指硬恐不任膏肓  
稍以砭石鍼有耳肯聽桑濮淫吁嗟乎吾之知吳蓋已  
淺聊託寂寞滄浪吟

敬業堂詩集卷三十一

十一

院長餉竹萌蘆芽

春山笋蕨本來甜

蘇詩惠州春山笋蕨甜

難得城中二者兼一笑

開籠何所擬小兒拳配玉纖纖

題同年張萬陸落葉詩卷後

詩境全從寄託深開編靜對見君心行收珠玉揮毫手  
往和風霜落葉吟竹老為椽仍中笛桐焦入爨始成琴  
五千言領知希意不要人人盡賞音

文安王孝子詩奉和安溪相國作

青青松柏樹蟠根上垂枝人生斯世間孰是無父兒父  
子有常性曰惟孝與慈本與生俱來平平理無奇奈何  
千百載孝行傳者希將毋世教衰天性有淳漓其或得

天厚一念不自欺精誠未徹間天故靳報施艱辛方歷  
試陰隲姑遲遲及乎感遂通較若稱銖銜錙錙適與人事會  
彼蒼本非私試看農家子任真初何師志壹氣乃充人  
定天爲移文安一小邑中有孝子祠王姓原其名厥族  
蓋已微生小但依母不知父爲誰母旋告之故朝夕恒  
涕洟稍長甫娶婦長跪與母辭兒今欲覓父有婦侍寢  
幃苦語挽不留隻身望天涯眼前盡岐路俵俵將安之  
路窮乃涉海夢兆如蒼龜掉頭別母去躡足隨爺歸未  
歸敢自必歸到翻成悲里鄰賀羊酒官長旌門楣團圞  
逮眉壽仍世開曩基到今二百年代易族姓滋此事載  
邑乘四方或未知安溪賢相公畿輔舊保釐訓俗務根  
柢仁親以爲期表彰先朝事欲令來者思手立孝子傳  
復爲孝子詩詩中何所云代述孝子詞讀之盡流涕恍  
然目擊時康叔生奉母曹娥死負屍敢請追配古穴書  
勒諸碑

新竹次院長韵

青瑤流影照明

明陶詩亭亭  
明珩照

盡放梢梢出屋寬粉澤未

乾宜露濯錦棚初脫奈風寒輕陰拂地應加密秀色迎

人尚可餐附入戴家新譜內釋名稱草恐難安

爾雅釋  
草篇笋

竹萌山海經其草多族厥族多管皆以竹爲草類故戴  
觀之竹譜云事經聖賢未有改易然稱草良有難安

益中繡球不作花者九年矣今夏復放院長有

詩索和次原韵

久留生意未為薪近報唐昌葢又新碎剪有痕千瓣雪  
密攢無縫一團春壓梢自重非關鳥帶葉全低欲礙人

記得月燈球樣似白頭重見意猶親南部新書每歲寒食新進士于月燈

閣置打球之宴東坡詩所謂曲江船舫月燈球也

### 謝院長惠西洋蒲桃酒

妙釀真傳海外方龍珠滴滴出天漿醍醐灌頂知同味  
琥珀浮餅得異香直可三杯通大道誰教五斗博西涼  
平生悔讀無功記誤被村醪引醉鄉

### 題盧六以庶常抱經圖二首

三傳何妨有異同抱經莫學玉川翁賈家訓詁韓家論  
可少盧家與折中漢賈逵有三家經訓詁魏韓益有春秋三傳論十卷

### 敬業堂詩集卷三十八

十四

章句人人守一經可憐祇用博科名多君獨有膏肓癖  
不傷長檠棄短檠檠字本屬上聲宋人多叶平聊復借用

### 送李敬齋庶常請假歸里

與君書局同晨夕不道陳情爾許難李去秋便欲乞假因成書限嚴今方  
為敬愛日光陰雖未晚望雲懷抱幾曾寬無言可慰三

年客此去全勝十政官用章孝標詩語為報眉間見黃色高堂

一笑定加餐

### 送梅雪坪出宰泰順二首

行作折腰翁吟邊憶謝公攜家千里近得邑万山中椒  
菴通閩賈魚鹽走去聲海童流傳永嘉學亟望起儒風泰順

温州之屬縣明正統朝始置地連甌越民俗朴魯未有以文章科第起家者故云

竹垞門下士

君爲竹垞先生辛酉江南所得士

爾雅倍堪親前輩詩無

敵多才畫入神一官貧寄祿万卷老隨身去去君何恨徒傷久滯人

張嵩陸有賢子三十而夭屬作挽詞

短生寄長世如浮亦如沈高人付達觀旦暮猶古今下士重其寶服食延分陰相去九牛毛奚翅尺與尋造物本無物榮枯隨所任奈何才不才分量費酌斟才者或夭折不才乃森森此枋竟誰持報施味善淫嗟嗟張氏子質秉玉與金十五工文詞長老咸歎欽二十舉鄉貢恒苦疾痰侵夙慧天所鶻道根種何深自知不永年瀟洒託清吟三十遽謝世一笑噴冠簪歛以僧伽黎反乎尸陀林其生類知道沒豈無知音我作哀挽詞以慰乃父心

敬業堂詩集卷三十八

十五

送同門孫斗文赴任武緣

百戶猺獠賦孤城瘴癘天茫茫赴長路草草別同年剋日有嚴限之官如左遷桂林嗟已遠南去又三千

送同年喬松華赴任永福

碧水丹山路迢迢六七千桂林聞少瘴荔浦喜通船吏隱安荒外人情薄眼前孫郎行更遠作計幸周旋

謂斗文

送楊次也赴平涼太守任二首

辛苦河隄使初停杵橐聲三年方上計五馬遂西征齋釀葡萄味沙陀首蓄程勿辭乘障遠領郡際昇平

開府吾鄉彥動名策府存典刑傳太史科第繼文孫世  
以儒林重官仍露冕尊平生期望意垂老屬恩門司馬

公開府黟陽僕在  
幕下受知最深

塞外二色芍藥五月始花院長揆公采得並頭

一枝屬蔣酉君繪圖兼以唱和詩寄示次來韵  
草沒煙埋定幾時忽驚紅白出連枝號韓合隊方稱貴  
姚魏分標未足奇若使入宮應薄妬却緣出塞更多姿  
畫圖與釋從前恨兩首詩傳乃口知

送周桐野前輩督學順天

先生人中龍天與君子性平時頗跌宕臨事乃剛正憶  
昨典浙聞量涵江海淨無私消謗皦冰雪久彌瀛至今

敬業堂詩集卷三十一

十六

桃李門得士稱最盛數椽居帝里貧過榮陽鄭俸錢付  
書估斗酒謀主孟時復召朋儕琅琅發高詠彈丸躍奇  
句傳寫寧待竟李杜韓白蘇篇篇資考証他文率稱是  
手筆誰能倩以此微 主知蓬山負無從趨營幾新章

時世梳粧靚恬澹其素然卓哉覘品行國家設遺補拔  
擢半長令庶常間改授歷職例不更敢云著作作庭遷轉  
薄諫諍於公實久次事異初徵聘比者適乏人銓曹列  
名請去終焉寢前議上賴 天子聖宮坊俄晉秩侍讀

繼申 命小試惜宏才留爲作人慶使星不涖蜀畿輔

觀爲政古來豪右區當代儒風競文通山後族武達代  
來姓一一揅管從妍媸歸皎鏡將空冀野群往矣執衡

柄絃琴視拂拭匣劍待磨銍苞苴自不入籬棘何妨搦  
必若振先聲務須釐積病朱衣群吏導絳帳諸生迎詎  
非稽古力榮寵一時併公貌謙愈冲公懷直且勁和光  
得人愛嚴氣生我敬良辰乍招攜同人於端午日臨別  
錢別城南江亭  
心恹恹城南好亭榭快若披畫幃每來必遲留天水互  
激映飲徒散將盡自此稀游泳計公還朝日吾已理歸  
笏贈言抒所懷甘被俗嘲評

內閣北垣下有老楮一株歲久成陰相國澤州  
公機務之暇時一憇焉秦州禹之鼎繪成楮窗  
圖公自題七律二章命門下士繼和敬次原韵

二首

敬業堂詩集卷三十八

十七

洵知黃閣異人間獨樹能高便不頽蕭洒坐看移日影  
婆娑行愛繞苔斑堂餐撤後仍開卷 賜杖攜來正押  
班爲報官居如邸第太平機務有餘閒

自蒙一顧覺恩深地俯絲綸氣象森樗散不教成棄物  
栽培聊許效清陰偶然此樹同温室豈少餘材聚鄧林  
數仞宮牆窺不見媿從下里和高吟

贈別郭千宮

我初耳君名識面悵猶未吳中忽逅邂逅衰儒增慨愜縷

綿一臂交傾倒兩心旣顧歡同年舊莫逆笑相謂辛巳四月

君笱書宣至姑蘇始訂交焉謂是我輩入拔茅當以暈出其囊中什

字字抉肝胃豁達淮海風鬱蟠河岳氣儕觀狎唐宋方

駕希晉魏獨立千丈姿昂然表凡卉私心驚且喜固是  
吾所畏竭來京洛間領略彌有味顧今不可作語及必  
長喟孰使顧不亡得君深自慰時時小扣擊枯槁需一  
漑亦復不靳予情同采葑菲生逢右文代多士雲黷黷  
瀟湘賦何消古鏡吟潘緯公車召方朔書學徵米芾君  
亦預承 恩南薰食官餼明堂儲杞梓丹牖視塗墍大  
海終掣鯨蘭茗聊集翡翠舉場昨俯就抱璞仍別跬多君  
失意來辭色少怨誹平生學問力胸自判涇渭頗怪窮  
孟郊甘稱溧陽尉驥雖仰芻秣鴻肯離羅罟計決勇告  
歸會機適天乞叶去會機出唐書劉文靜傳金源舊文獻蕪沒幾蒿  
蔚上賴野史翁流傳得髣髴補亡千載下自任一何毅

敬業堂詩集卷三十八

六

零落四千篇緝紉成檜楨

君於中州集之外復搜輯全人詩二千餘篇進呈御覽

圖經佛道藏搜採靡不暨經

進卷倍前 乙覽爲增

欵隨身給書局紙價往應貴汗漫鏤板期艱難治裝費  
若人富才藻所乏乃資屏崔硯幸勿焚萊服行且衣歸  
與洵可樂貧也何足諱綠楊暗河橋萬樹蝸蟾涕南風  
吹祖帳好雨洗林燼掉頭君其仙炙背我如斂倘念酒  
人遊尺書及塵堦

同年錢綱菴舉幼子年月日皆與余同因命名

同初六月八日爲湯餅之會席上戲贈

老籤年踰五十矣二月抱孫五月子

今年二月錢先得孫子生距

我六十年月日皆同時異耳人生墮地如轉環風雨小

劫須臾間釀錢去作湯餅會爲爾聊破囊中慳我今蚤  
衰似蒲柳玉雪蘭芽羨渠有生兒若要與渠同一笑還  
須十年後綱菴小余十歲故戲語云十年以後安知余  
不生一子與君稱同年乎老鰥造此口業罪  
過罪

送同年唐益功出宰德清十八韻

荆川嫡派承家學經濟文章孰比優忝附同年成進士  
欣看鄰境得賢侯是邦約略吾能說此去艱難爾勿愁  
小吏兩三迎水遞長亭五十接鄉郵菰蒲影裏攜琴譜  
齒齒香中發權疆到邑不離黃篾舫浮家且傍白蘋洲  
俗經早潦需仁政天與谿山賦近游千丈奇峯當案立  
一支健水入城流帆檣絡繹疑官路烟火微茫辨市樓

敬業堂詩集卷三十一

九

籬落鳩鳴茶足雨野田雉雊麥先秋風醒曉岸魚蝦賤  
葉暗農郊桑柘稠碧壑村村工釀酒紅裙箇箇善搽舟  
向來風物原如此比日流亡稍復不開廩屢蒙恩賑  
郵催科聊緩歲徵求瑟當急調絃須改藥遇名醫病必  
瘳預想居民多喜色愧無贈策佐前籌蟻封豸合長馳  
駿雞割何妨暫解牛別有虛懷人未識下車先爲訪南  
州敝座師少宗伯徐公  
方致政里居故云然

送同年宮書升赴任臨汾

班聯銓序五人俱捧檄娛親爾獨殊登第三年先老鳳  
得官千里試名駒蓮花舊洞真仙宅蟋蟀餘風古帝都  
矯首共看汾水上一雙飛鳥是王鳧同年謁選者五人  
惟書升得善地

送同年歸旣垣之任西華

侯封兩襲漢東京

後漢鄧晨鄧閻皆封西華侯事載本傳水經注專屬鄧晨者失考也

里今傳小縣名却羨鳴琴來宓子真堪捧檄慰毛生太

行北望渾連塞洧水西流不到城見說中牟壤相接莫

教卓茂擅循聲

藥苗初茁

一片苔封蟪蛄橋汲從甘井手親澆金波處士如相過

莫盡狸奴損藥苗

圖繪寶鑑宋李藹之號金波處士喜畫猫于藥苗間

暴雨

的瀝初聞飭枕幃忽拋響瓦万珠璣虹霓故壯崇朝勢

草木羣蘇一震威漏屋移床非故處破窗穿紙入餘飛

敬業堂詩集卷三十一

二

雲開日出須臾事賸得新涼暫透衣

院長從口外寄餉灤鯽十二尾雨窗憶舊吟成

七言長律十六韵

無端枕上豐年夢果有嘉魚致碧潯荷葉解包腴未減

鹽花初腊味尤深入關雨後蹄雙躩粥市朝來尾一金

射鮒故知同井谷

魏都賦雖復臨河而釣鯉無異射鮒于井谷

揚儵豈必盡

青林

水經注蘄州廣濟青林湖鯽魚大者二尺可止寒熱

每思長夏同垂釣不比

嚴冬試落碇塞柳柔條三尺踈灤河新漲半篙侵賞花

作賦榮曾預貫笠披蓑力頗任躍藻莘莘看得雋駢頭

戢戢快生擒

憶癸未六月鳧從熱河釣魚事

烹鮮屢飫天厨饌配酒蕪

叨內侍斟

憶乙酉丙戌夏秋之間行宮侍宴事

白首重回成往事素書

頻剖荷佳音鮓封倍覺分甘厚鐵化寧愁遠信沈長缺  
人嗤縵是蒯直鉤吾敢曲爲針尚餘截竹爲竿手可有  
臨淵結網心口業不停如宿債詩題纔到便微吟行當  
召客充梓案底用呼童漑金鶯饋食例應煩十五加餐  
還望使重臨

儀禮少牢饋食禮魚用鮓十有五  
而俎今尚欠其三故結語戲及之

### 送沈岱瞻赴任寶坻

與君忝同年生長同里閭知君孰如我骨月情豈但先  
公昔登朝名第南宮冠鳳毛看再刷省吏識珂傘謂宜  
上金鑾繼世典詞翰却將著作手移畫紙尾判得官向  
京東烏鹵傷海岸古來畿赤地風俗率鷲驛太剛慮爭  
勝過弱恐示玩自從羅畢繁俯仰魚鳥亂須令靜以族

### 敬業堂詩集卷三十一

三

毋致淪而渙雖殊南陽鄉圖牒行可按業田湯沐 賜  
錯壤居大半莊戶接膏腴農疇雜耕爨并兼聽豪右鯁  
寡詎宜犴人疑作令難簿領苦堆案子雖軀短小其氣  
乃精悍才長百事能所少非此段望君朞月最許我一  
辭贊疑網破二三貞固事足幹初如迎刃解既過春水  
泮夏書納粘服周禮掌灰炭瑣碎攬大綱豈其銖綮筭  
情深不自禁語出背沾汗芻蕘倘可收幸勿怖河漢

### 送大司寇張景峯前輩罷官歸韓城二首

朝典推糾職 皇仁體好生事關同列忌公視一官輕  
已抱回天意休高去國名應同白司寇家世說韓城

樂白

天以刑部尚書致仕按唐  
書本傳其先本家韓城

槐棘論三又雷霆竟獨當不聞 廷辯語自拜乞休章

祖道千人帳秋風一葉裝大臣傳軌範投劾便還鄉

九十翁王德園輓詞

上元人其孫元  
衛巳丑進士

門風本是烏衣巷九十傳經比伏生壯日看花朋舊盡  
老年種竹子孫成

有子五人  
孫七人

社中天與耆英壽身後人

傳著述名存歿於翁兩無憾同時銘誄半公卿

送同年朱明原宰永城二首

淮徐封壤接芒野舊稱饒風俗鄩侯國人家薛曠橋近

聞成巨浸行見布新條膏雨隨車去謳歌徧黍苗

亳社來陳寔桐鄉得仲卿苦辛憐舊尹

謂唐  
殿宜

慈愛播先

聲世羨成名早官因奉母榮古來循吏傳所重是書生

敬業堂詩集卷三十一

三

送馮文子南歸時改就教職

計偕憐七上屈就廣文擅舊事青燈外歸程白雁前救  
貧無善策攬鏡得衰年杯酒平生分臨岐意缺然

六月杪于庭前後種竹兩叢入秋積雨忽生筍

五株旬來森然成竹矣時方移寓作詩志之

兩叢竹種庭南北土淺泥融尚露根暫借清陰障炎氣  
遽看穉節破苔痕人情舊雨來賓客家信秋風報子孫

時大兒婦孥  
諸孫將至

珍重老夫臨別意歲寒冰雪不勝繁

別雙槐四十韻

位置雙槐好空庭洽恰宜校三雖欠一得偶不成奇拂  
戶交垂處當窗並立時遠疑孤榦合高被四隣知匝匝

重簷蓋舒舒五丈旗葉心還吐葉枝亞復抽枝次第徐  
敷蔭縱橫各逞竒問年忘甲子稱老曰期頤屈伏躩跼  
獸深蟠偃蹇螭藤輪銜宿瘤琴蚘斷炮皮晝聶輕烟蓄  
宵炕暗露披希間星或漏密布管難窺蟬翳俄留蛻蟲  
來遽引絲啄枯巢有鵲撼大穴無虺日月東西照陰晴  
日晚移向來便嬾惰端賴拒炎曦張王貧官氣遮藏陋  
室基寓形粗當尾取義合名籟步幃奢從設涼棚儉省  
支展鋪新笛簟抖擻敝書帷四角行攤飯中央坐賭碁  
受風堪屏筭經雨爲添絺濃翠濡茶盞嬌黃墮酒卮愛  
花勤汛掃弄影故參差忙聞名場速聞叨造化私桑榆  
收暮景蒲柳警秋姿物理循環具天心屈指推稍聞聲

敬業堂詩集卷三十八

三

槭槭旋見莢垂垂彼美真無度吾貪已不貲描摹虛畫  
手贊嘆少妍辭但使居能久休論種自誰棟梁寧缺用  
節目亦奚施匠石慙頰睨樵斤幸勿斯僦居初爲此覓  
地更何之跡在終漂梗神傷未解縻依回經宿戀搖蕩  
隔年期晤對曾賓主吁嗟奈別離後應難遂捨樹即是  
相思鴻爪留齋笏蝸涎認履綦後來須護惜看取壁間  
詩

敬業堂詩集卷三十九

海寧查慎行 悔餘

棗東集

起庚寅八月盡  
辛卯十二月

庚寅秋閏大兒婦攜諸孫將至槐移湫隘不能容  
乃遷居魏染衙衙西鄰棗樹一本已纍纍垂實矣  
余下榻於東偏故名棗東書屋

移寓棗東書屋

一卷新編百首詩老夫昨日別槐移兒童上樹鳥鳥樂  
正是鄰墻棗熟時

同劉若干前輩汪紫滄錢亮功兩同年登密雲  
懸鐘鼓樓

敬業堂詩集卷三十九

三面巍峩一面平亂峯如玦吐孤城望中禾黍開畿甸  
掌上風雲接帝京出塞雙鵬盤遠勢入關萬馬壯秋聲  
夕陽樓下枯萋裏半截殘碑紀用兵

重陽密雲道中

過盡車聲十里岡牛欄山外作重陽黃花小店豐年酒  
紅樹遙村昨夜霜短髻愁侵新節序浮生知閱幾炎涼  
西風吹落叅軍帽不是年時入塞裘

是日  
上自口外回纔奎

樓敬思送菊

老去逢秋愛晚香故人與致滿車黃憐渠亦在風塵際  
置我居然籬落旁折免小鬟偷插髻來如佳客快登堂  
曾分一斗泉邊釀準備花時洗盞嘗

菊花易酒北釀之  
佳者夏初崇院長

見齋尚未  
開塹也

戲題吳寶崖杖頭賞酒圖小照

新豐酒價逐年增笑爾粗豪老尚能一醉徑須傾五斗  
百錢纔可博三升

自題淳熙修內司官帖後

淳化祖帖絕難得南渡摹勒傳淳熙其詳載在輟耕錄  
官本舊推修內司臨江太媚絳潭瘦字體特取豐而肥

宋汪遠閣帖辨記云其字  
精明而豐腴比諸刻爲肥曾經翻刻凡幾手亥豕帝虎

辨者誰形模粗具木偶爾神理了不關須眉近來此本  
亦不易世代漸遠宋拓稀大觀之後此其亞僅與閣帖  
爭毫釐有如虞夏祖顛項要是嫡派非橫枝昨從廟

敬業堂詩集卷二十九

二

見且駭尤物乃落馭僮兒衰褌仍用球路錦十卷首尾  
完無虧叩之高索錢五萬而我囊乏三錢雖少需便恐  
被豪奪一計猛出居巢奇烏驢克貨價相直快披墨寶  
徒行歸入門夔婦告米罄一笑那顧朝來饑明窗小几  
風日亮塵垢不敢侵吾惟古香透紙辟蟬蠹元氣入骨  
騰蛟螭熊熊異光黑點漆滑滑膩理膚凝脂試臨只愁  
鬼掣腕旁睨幸免食朶頤嗟嗟世俗慣傳誤目所未覩  
公謾欺曹家譜系格古論歲月舛繆餘可知曹士冕法  
帖譜系云

淳熙十二年乙巳二月十五日樞勒上石曹昭格古要  
論云淳熙二年乙巳歲二月十五日修內司模刻上石  
按今拓本乃十二年乙巳九月十一日當以拓本爲正

耳皆如斯

題蔣樹存繡谷圖為王石谷所畫

憶初訪君尋繡谷，公緣棹轉閭門。曲桃花深陽數千家，  
三徑依然蔣生獨到門。先看八分字，爪甲如龍陷蒼玉。  
恰當首夏候，清和一色園。林雨新沐滿堂狂，客歡譁集  
詩酒衝筵事。微逐曾蒙分韻強，留題不怪歸舟避糟麴。  
別來塵土換顏狀，霜雪盈頭沾寸祿。我方寓直鄰浴室，  
君亦辭家赴書局。寒窗瑣細註蟲魚，十指排籤管鋒禿。  
此時忽漫披橫卷，快若重遊爽心目。奉常筆法付宮端，  
分派同時一嘗熟。精研往往到毫末，縱逸寧容拘尺幅。  
雲頭解駁天光開，地脉盤旋風氣蓄。奇峯翠感龜山石，  
高幄濃張洞庭木。莎痕苔迹斷復連，寬處編籬還補屋。

敬業堂詩集卷三十九

三

漸深漸入窅無際，中有千竿萬竿竹。野老時拖拄杖來，  
幽人自展遺書讀。城端殘照紅將斂，遠勢投林鴉伴宿。  
惜哉此景落東南，欲往從之輿說輟。畫圖非畫乃真境，  
試問歸期何日卜。櫬鞋桐帽吾豈無，準擬相隨友麋鹿。  
題顧天山南原讀書圖

吳中多世家，君豈瑛後人。抱奇乃日富，所得在一貧。水  
叟昔愛士，門墻分彌親。我自識君來，今幾三十春。姓名  
達館閣，蹤跡仍風塵。磊落見高才，激昂露天真。深惟讀  
書力，願此遠俗神。精理入毫銚，古言闢菑榛。兀然三尺  
几，上與萬古鄰。糟醜殊少味，願君飲其醇。

再為樹存題王麓臺宮詹所畫蘓齋圖

元四家法傳渺茫華亭一老誰頡頏我昨題詩說石谷  
派裔近邇婁東王朝來復見宮相筆令我展卷喜欲狂  
君家繡谷中舊有交翠堂蘇齋想在交翠旁不知結構  
幾時改但覺城西竹樹轉盼生輝光一丘與一壑一重  
復一掩似淺而愈深為奇豈關險與酣揮灑如化工岩  
巒出沒初無窮能將萬里勢移入園亭中主人好事客  
不同三徑非復求羊蹤招邀笠屐作晤對尚友直到眉  
山翁樹存得東坡笠屐小像  
因築此齋屬麓臺圖之翁之來兮萬木風嶺海一  
氣遙相通當時買田陽羨歸未遂六百年後畫像乃落  
江之東麓臺麓臺真老手筆落神來洵非偶紀聞異日  
傳中吳繡谷名與蘇齋俱此圖此像他家無

敬業堂詩集卷三十九

四

送張志尹前輩視學江南

雙江西南來銅崖起何陡中流作砥柱萬馬盡回首先  
生生其間名望燦星斗決科上甲乙掇第聯子丑詞館  
服虛衷同官半師友讀書事默識叻不出口洪鐘扣  
則鳴傾倒靡不有高明本乎質器局隨所受公實狷者  
流貌和中有守平生取與分纖芥真不苟 天子稔公  
賢臨軒簡端右量材今始用 注意蓋已久江南往持  
衡緬維人文數銀臺門下士君鄉試出西  
崖先生之門根柢視出手  
時會適使然前車鑒諸後自從風教薄士習競趨走腦  
蓋爭一門日中有豐蔀情先絕請託物自呈妍醜或虞  
節制尊文柄操賢否因之敵以下鬱鬱徒抱負坦懷吾

無蹊納約彼自牖方當前造膝胡慮旁掣肘率非公所  
難時論何足剖古來不朽業要以精力取旌旄行出郊  
祖道缺卮酒片言聊贈別敬起為公壽道在履初爰素  
往義无咎

杜大宗名維翰與余同舉順天鄉試三上春官  
不第而歿家素貧乏寡妻稚子煢煢相倚十餘  
年矣今秋周桐埜視學畿輔拔其遺孤若馨入  
泮馨貧未能娶因以族兄之女妻之作詩以紀

兼示杜郎

牧之京兆曾同舉稍長慙渠兄事余回首神傷三黜後  
過車腹痛十年餘獨留病婦持家教能使孤兒讀父書  
今日兩家羊酒賀老槐猶認舊門閭

敬業堂詩集卷三十九

五

陳乾齋前輩以院長兼領教習作述懷詩四章  
示館中諸君諷詠循環贊歎不足輒次原韻奉  
簡

重然藜杖照傳經光透文星是歲星鈴索自諳清氣味

畫圖人識舊儀型

用白樂天畫  
像集賢故事

波涵鯨海千層碧地拔

鼇峰一朵青此日門墻稱最盛春風桃李屬頭廳

唐時  
翰林

承旨所居  
名頭廳

北扉清切接延英一片臯比寄不輕半載岩廊虛左席  
六年林壑仰高情谷中吹律春長煖句裏探珠夜自明  
豈獨殊才歸領院雅輪當代荷扶檠

鸞凰多出上林枝劉井柯亭有去思公望久推師表地  
人才况值 聖明時來聽長樂鐘聲度起視花磚日影  
移法醞錦袍冬拜 賜太平故事在蓬池

經名千佛籍羣仙總藉文章與作緣冰署頭銜差耐冷  
玉成國器賴攻堅鸞坡地重官宜攝驥路風清駕獨先  
四首新詩代條教玉堂氣象一時還

郊祀喜晴恭紀

齋宮肅穆五雲端大祀 躬親不遣官閣道風清千步  
輦慶霄日麗九層壇陽和徧宇冬回律燿火升中曉辟  
寒天竝 君王同霽色萬年歌頌溢鸞鸞

周策銘前輩雪後入直武英疊院長四首韻見

投感舊抒懷情詞斐疊再次韻奉酬四首

酒邊劇壘記曾經白戰詩成擬聚星

甲戌冬新城先生座上徵雪事分題

自入道山稱後輩每從延閣想前型重來容髻痕添白  
相對朝衫色總青劇喜歲寒同寓直不煩巡到第三廳

李濤乞酒詩懺亂玉堂將  
欲徧依稀巡到第三廳

人物他時數武英轉頭存歿感非輕

傷松坪安公山堂  
三前輩及同年朱

字緯也

申歸寅入餘書課火冷香消付宦情粉蝕爪牛粘

辟燥氣吹野馬瞰窗明天公未放勞筋息幹合弓膠且  
受弊

鳳條安穩舊栖枝出入頻深望闕思地異終南非捷徑  
羣空冀北已多時宣毫在握才逾富江硯隨身榻未移

十四年來翔步地後先鱗羽太差池此首叙先生重赴教習廳事

縞衣昨夜舞羣仙冷淡閒坊醉少緣至日我偏愁晷短

履霜誰與警冰堅寒寧易就桑榆暖驚鶯能爭躑躅先

何法商量了官事便隨二老賦言還時座王相國陳公宗伯許公相繼引

年予告命下

嘉定譚生名在 欽取之列而外來無咨送之

文不獲赴書局辦事留余寓兩年將歸口占送

之

知爾不能薦世情良可歎往年曾獻賦同輩盡彈冠近奉

上諭各館纂書人員俱加恩議叙

歲晚獨行急家貧久客難向南冰雪

少莫慮布衣寒

敬業堂詩集卷三九

七

奉送座王六宗伯許公 予告歸里五十韻

六卿 予告吾鄉少此舉公今冠海寧秩領春官大宗

伯光分南極老人星傳家忠孝遙承緒得路煙霄早發

矧瞻斗地崇依象魏搏扶力厚起鵬溟東流赴壑隨川

后西掌開山比巨靈質抱圭璋爭就琢文融金錫儼流

型淮南子金錫不流型紫淵欲涉迷津筏翠嶽難攀歎絕陘

鶴禁向曾推舊學龍門誰不企高尙容臺洵歷非通職

宰相他時待掃廳吐納心虛惟愛士交遊道廣總忘形

絳紗夜捲談經帳雲母朝排隔坐屏獨以縈身嚴漏室

每持清議答明廷苞苴不入門如水進退何慙戶亦銘

正使含沙潛鬼蜮未妨擲瓦試清泠色寧可改緇加素

濁豈能侵涇別涇氣盛或滋曹耦忌言高偏徹 九重

聽引年自據尚書禮

唐孔戣以禮部尚書據禮引年韓愈上疏留之事見唐書本傳

宦還符退傳齡

白樂天詩官歷二十政宦遊三十秋鶚公自壬戌登朝至辛卯恰三十年矣

立雲端原矯矯鴻飛天外又冥冥頻聞入市蠅傳赦為

報歸期鵲喜聆率土三辰光禹服泰階五紀慶 堯曩

行拋手板牙雙笏笑解腰圍帶萬釘海外投竿連巨牯

人間巢睫任焦螟宮聲緩應車前鐸墮語欣聞岸上鈴

無跡可求矜挂角忘機相對鶴梳翎行時楊柳風迎袖

到日桃花浪泊汀羅雀閒情甘寂寞烹鱸餘味取鮮腥

王張泉石精神爽拂拭雲埃眼界青泮水西來開第宅

六峯幽處置林亭

破石梅會之交大小山凡六竹垞曾以名聞

舊栽松菊重

敬業堂詩集卷三十九

八

移徑新茁芝蘭漸滿庭兒是象賢齊謝鳳孫皆夙慧辨

終甍昂藏駒目人千里珍重巾箱世一經鄰有古風連

槁梧蒼無俗客駐筵筮許評字字榮華袞顏誥家家奉

典刑物外衣冠全洒落社中耆宿半凋零平生誼最敦

花萼老去情尤感鶴鶴徧徧速九宗多郵睦近調三眷少

伶仃官貧弁乏元絃馬業富猶餘武子螢何處追遊攜

几杖偶然乘輿出郊垌靜敲深院棋枰響醉問名園櫓

竅停笛簟微颺涼過竹吟窗晴旭煖穿檣爐香醲醲分

茶灶樹影離離上確程童戴笠磬清入畫僕克耘籽健

添丁先生樂事行如櫛小子浮蹤寄若萍局踏伏轅踰

弱歲衰遲起蟄及春霆久知世路殊難騁屢夢田廬奈

未醒心賞隨時勤造請耳提即事發聾瞶飲醇特許沾  
觴瀝饋食無由進土劔祖道遠巡思效駕守官悵悵類  
拘囹昌黎詩守官類拘囹白家池上尋芳屐戴氏溪邊泛雪舫華  
髮門生歸有約相期壽考頌椒馨

十二月十七日出阜成門重過苑西舊寓是日  
立春夜飲蔣西君同年筏喻齋

多時不踏郊西路寓舍重來尚有鄰霜葉滿庭槐失蔭  
雪芽穿土齊先春孤踪易著棲遲客一宿猶煩洒掃人  
博得樽前開口笑白頭旛勝兩回新

謁座至相國澤州公於邸第見示 予告後新

詩恭上二章

敬業堂詩集卷三十九

九

上童今始遂初衣五十餘年願不違老鶴林端排霧出  
高雲天上作霖歸別開仙境為詩境便息塵機入道機  
若論龍門原峻絕不因罷相客方稀

八載追隨在禁林奉公清誨識公心重編頰上歸田集  
不比伊川擊壤吟流水一彈真絕調朱絃三歎有遺音  
管窺蠡測終難盡領味從人自淺深

沈岱瞻同年餉寶坻銀魚

濕薪爆竹歲將殘宦况聊同首藉盤三寸玉分良友餉

一條水合腐儒餐別中加飯開魚素飽後投床夢釣竿

無物報君還自笑近來詩語帶梅酸東坡詩往往亦帶梅公酸謂聖俞也

除夕與吳少融程蒿亭湯納時陸宮翎朱以讚

湯公望家韜史小飲分韻得懷字

藥爐新減兒曹病

時兒建病初起

酒盞重開老子懷萬事過頭

成舊曆一官嘗我似清齋好吟畢竟為情累懶性殊難

與俗諧倚賴諸君相煖熱隔鄰分火熬麻黠

除夕焚麻稽京師風

俗也

辛卯人日赴座王澤州相國之召席間公首倡

七言律詩恭次原韻

重開東閣撰良辰喜入新年倍爽神句挾煙霞非俗韻

坐談風月許門人黃封例賜承恩舊白社閒居致政

新自此清遊好排日從公賞徧洛陽春

東坡詩華顛賞徧洛陽春

送同年徐師魯出宰安陽二首

敬業堂詩集卷二十九

十

掉臂飛騰籍甘心本分官八年需次及千里計程寬邑  
以名都劇人言簿領難誰知游刃意只作小鮮者

門風卿相後棣萼盡龍媒東海承儒術中原展吏才清  
流泉百汊古跡鄴三臺片瓦今難致煩君訪硯材

得石軒歌為汪千波兄弟賦

行人學士兩詩伯兼抱元章好奇癖近因得石起軒名  
復以長篇誇示客軒西舊是金張第臺榭居停凡幾易  
丈人閱世如老仙土蝕塵埋久遭厄時乎顯晦豈天意  
不遇閒官誰愛惜偶憑鄰叟指墻隅試劖青苔開地脉  
雲根下插三十年虹氣高騰二千尺聞雷隱隱動牙角  
出坎掀掀呈尾脊直疑井底養成龍不信飛來化為石

君家院宇頗清曠添設闌干補籬柵長藤接葉樹交陰  
特欠懸嵯剖蒼壁移山之力十夫耳四片湖黿一朝獲  
清泉淨洗見真形衆竅玲瓏受搜鬪東西南北隨所置  
未覺中庭異寬窄花能含笑鳥能歌總向吟窗助搖襖  
醉眠大可當高枕雜座尤宜羅廣席吁嗟兮人情賣菜  
爭求益疊巘層巒事堆積周旋孰與一拳多乃至以身  
爲物役石然吾言應點首好共先生數晨夕試問閒歸  
京兆亭

劉原父事  
見長安志

何如品入奇章宅

見白樂天  
湖石記中

### 南海子四首

萬株楊柳密藏鴉苑戶如農不種花四百餘年飛放泊  
至今樵牧屬官家

### 敬善堂詩集卷三十九

十一

纔過春分未禁煙畫橋水釋溜涓涓清流愛照垂鞭影  
不賺人間飲馬泉

文園如山百物馴黃羊趨鹿牲牲生來便入雞豚隊  
卧草眠沙不避人

紅門草長少飛埃萬頃平疇掌上開一道修眉濃似畫  
近南遙識晾鷹臺

### 重經朱大司空花莊有感二首

載酒看花不計巡履綦陳跡愴城闈舊遊屈指誰還在  
我是當時末座人

蕭蕭宰木拱梧丘二十餘年奠醊休見說郎君頭雪白

一官渾似謫江州

公子敬如出守九  
江已二十二年矣

廖若村同年屬題椿萱圖

莊子紀大椿八千爲春秋風人樹諼草北堂取忘憂物  
類致不齊寄託各有在誰將女兒花

孟東野詩萱  
草女兒花

猥與

丈人對後來遞相承用代父母稱雷同傳萬口故事於  
何徵陟岵亦望父陟岵亦望母拘文恐害辭義可斷章  
取廖生我同年天性實過人四十而孺慕有懷雙老親  
雙親從宦歸志未遂迎養所以仕於朝時時深悵望晨  
昏難自慰作底承歡娛重將望雲意添寫椿萱圖誰非  
人子歟此樂洵關命試問儕輩中幾家猶具慶

清明雨

元陌廉纖雨朝來阻鈿車擔頭春事好添種幾盆花

敬善堂詩集卷三九

十一

即事

舊日兒童戲風鳶跋扈鳴近來雌蚊蝶栩栩鬪身輕

午亭山村座王相國澤州公里第也十五年前

公官大司農時屬虞山王翬繪成橫卷今從政

府予告將歸上賜御書扁額公既作詩紀恩

復出此圖命慎行繼和恭賦七言絕句十二章

天井西來第幾陁浮嵐千里拱翠屏井西道人畫不得

自有此山無此亭

萬丈光芒臨一州宸章奕奕垂銀鉤煙霞拍點最深

處中有御書縹緲樓

嵩少之旁多名園家山近繞申甫門丈人石踞天下春

三十六峯皆子孫

午僻午橋名偶同佳名豈襲裴令公屋頭山色屋下水  
多載桑經酈註中

他時物產按圖經見說長松似茯苓曾活萬人餘世澤  
天教仙草生槐庭

南陌東阡不斷雲瀧岡佳氣何氤氳行人過者日無數  
下馬來讀歐陽文

展卷尋常思釣遊太行天半阻歸輶誰知老鶴出羣意  
早在千花塢上頭

嶮裏人疑小洞天如今真個著神仙蒼髯白甲問無恙  
已是歸遲十五年

敬業堂詩集卷三十九

三

幅巾藜杖去尋春盛事一時謹四鄰不獨公顏如雪栢  
亭旁竹樹多精神

濩澤灣濼走白沙一渠新漲給千家野翁邂逅勿相避  
丞相小車來看花

到眼風光涉筆成天然何必煩經營野桃官柳村村遍  
五畝不居獨樂名

一德君臣進退間恩深容易乞身還袖中攜得片雲去  
肯羨爲霖重出山

次韻答雲間黃若木三首

雅音日以遠里耳方好新凡卉擢穠華過眼同一春不  
有味古士誰歟範師民

任昉云師民之選允歸人範

朝家宏網羅械

樸皆樛薪人人珠在握一一鳳集身君豈躍冶耶顧獨  
遺陶鈞不欲輕比擬擬之恐非倫

我初未識君聞君窺奧府平生不苟出厥德自藻斧竭  
來京洛遊黥則覲息補居停得所託養此好毛羽昨者  
荷見存溫溫夙心吐深知君子性不逐時翔武即以詩  
學論自可立門戶

老年業不進少作悔子雲遷地胡能良鄭刀宋之斤輪  
才不自給何以揚英芬官書日有課兀兀膏繼焚結習  
猥未除多生墜聲聞我惑歎滋甚君懷感彌殷世豈無  
士安與序瑤華文

題陳緘菴前輩西溪探春圖二首

敬業堂詩集卷二十九

古

寶所增邊松木場小溪水泮綠泱泱竹篙撐到水窮處  
臘雪不香春雪香

不怕京塵漲帽裙參橫月落正思君何人喚醒羅浮夢  
萬壑千巖皆白雲

奉題座王宗伯公松下讀書圖四首

七旬過後便懸車八座歸來尚讀書不礙須髯銀樣白  
精神猶似入朝初

昨夢曾占十八公今於林下復相逢鄰翁笑指董童蓋  
此是先生手植松

粳粳濤生細細鱗喜從畫裏著閒身腰金手板全拋却  
別換輕紗一幅巾

階庭蘭玉看初成萬卷傳家抵百城他日松風吹几杖  
執經猶有老門生

題李後圃鶴怨猿驚圖小照二首

晨晷夜鯉烹殊僭春韭秋菘味最全此段風流君不乏  
故應慙愧督郵前

文人自古相輕薄不獨山陰孔稚圭我為解嘲還一笑  
絆將驥足展牛蹄

時李赴唐縣任畫一牛車坐其中

老懶吟

筋駕肉緩稽叔夜齒豁頭童韓退之自分我今兼二者  
那將老嬾逐兒嬉

張研齋前輩餉梅花片茶

敬業堂詩集卷三九

五

摘得梅邊小瓣香雨餘出焙勝旗槍茶人預入前宵夢  
茗使旋分細色綱水態花情論臭味髻絲禪榻借風光  
開籠未敢輕煎點待淪清泉自在嘗

盆池魚

埋盆當小池中貯斗斛水紅鮮二寸厥族殊鯽鯽孽  
粒晨飼之駢頭而接尾居然樂同隊似識爭競恥江湖  
豈不寬吾力止於此含珠或望報一笑可以已

送同年張耦韓宰靈寶

地當分陝舊稱雄劇邑依然函谷東百里桑麻通號畧  
一塍花柳界臨潼神明世合推賢宰悃悞君能復古風  
別有高人占紫氣仙才寧滯簿書中

題同年徐師魯小照二首

琴調古於松琴心淡於水君勿改君絃吾方洗吾耳  
林風吹月上下有涓涓瀨何處覓知音知音不在外

師魯索題小照適飲藥酒微酣誤以為撫琴圖  
率題五言絕句二首明日視之乃烏皮几也再  
作二絕解嘲

認將髻几作焦桐笑口重開展卷中道是醉人多謬誤  
終慙老眼太朦朧

松風水月與傳神何物能消簿領塵不待客嘲先自解  
畫中賴有抱琴人

墻西棗樹一枝下無居人似為余設也花時口

敬業堂詩集卷三十九

六

占二絕

童心預想三秋實吾眼聊看四月花見說西鄰曾去婦  
故來與爾作東家

獨樹移陰落檻前清香端為病夫傳斜街一榻槐花雨  
已是浮生過去緣

憶槐移舊寓也

四月廿二日早赴西苑送 駕避暑幸山莊

麥壠瓜疇曉氣溫朦朧淡月漸無痕殘星帶火沈千點  
新綠如山擁一村老馬熟諳城北路雛鶯又報苑東門  
征衣長短曾蒙 賜篋笥三年倍感 恩

自入武英書局三年免扈

從矣

科詔

科詔重聞下大廷  
念念幾輩出郊垌  
冬烘一老粗知分  
閒卧天街閱使星

余自乙酉以來鄉會試  
應列街名俱引分辭免

即事

盆池綠淨午晴初  
尺水中涵萬象虛  
一片玻璃天上下  
白頭影裏過遊魚

病枕聞蟬

閒門無剝啄  
倦枕閱晨暮  
風外一聲蟬  
誰家庭下樹

喜德尹至二首

近接元宵信  
添丁報玉川

弟於元夕得子

重來堪一笑  
小別費

三年貰酒逢花醉  
移床聽雨眠  
城南數間屋  
相遲亦前

緣

弟所居即三年前舊寓也

敬業堂詩集卷三十九

十七

六十吾過二君年  
正逋巡所傷非齒  
暮無愧是官貧骨  
日性相近田園話  
倍真舉家同旅食  
渾似帝鄉人

喜雨

六月黃塵裏  
炎蒸何處逃  
乍涼蟬嘒爽  
將雨燕飛高  
天意回枯槁  
人情散鬱陶  
久醒思一醉  
連夜致香醪

大雨中將入直東紅椒上人

泥深路滑強肩輿  
童僕何由借寒驢  
輸與城南詩老衲  
一爐香坐雨安居

印度僧徒於五月十六後坐夏  
謂之坐雨安居以此時多雨也

種決明

眼昏欲試醫治

平聲

法庭下朝來種決明  
八廓五輪全是

障

龍木論眼有五輪八廓內外之障

却思草木養餘生

六月十三日大雨獨坐武英殿書局

宛轉西城路衝泥入禁垣稍欣人語少故覺雨聲喧  
螭吻劉雲黑龍頭吐水渾微涼生殿閣沾洒亦君恩

題汪千波清溪放艇圖二首

三百八梯白岳四十七瀨清溪船頭已安茶具船尾可  
少偏提

載書我昨曾到老去重遊大難五百灘頭回首羨君搖

艇新安

太白詩聞說金華渡東連五百灘他年一攜手搖艇入新安

偶詠庭前花木五章

茉莉本鬢華

佛書鬢華即茉莉也

南人不之重結籬雜枳棘爛熳

寧煩種西江糧艘來此物克土貢民間近亦夥廟市排

敬善堂詩集卷三九

六

玉甕一本值數千探支一月俸貧官俸有幾減口為目

用

秋葵特小草幹直葉頗剛鴨脚不中蔬移根自銅梁

黃蜀葵賦移根遠自於銅梁

經時得土性伏雨回微涼一日閱一花

半月如人長檀心暈深紫金瓊含嬌黃詩翁亦何知輕

比道家粧

薛能黃葵詩記得玉人春病後道家粧束厭懷時

棗實初如芡垂垂挂屋角秋陽一以曬脆美漸可支或

慮壓枝低隔垣探掌握家童方竊食遑問野鳥啄朝來

風太狂響瓦若冰雹天公有暴殄靜者庶先覺

決明乃叢卉細莖挺蓬麻兔目葉如槐秋前吐黃花入

秋况多雨亂發正復佳勿矜顏色鮮行矣霜霰加吾方

感獨立何暇為汝嗟

少陵決明詩涼風蕭蕭吹汝急恐汝後時難獨立

石榴八尺長灼灼花頭密  
火雲催落瓣秋蒂齊結實  
初看顆顆同罇拆謂可必根孤  
力苦弱黃頽無虛日滋培  
吾豈殊成朽視其質何當慰  
老眼存者十之一

續咏庭前花草四章

木槿日及花難開易憔悴  
人情無久暫枯菀適時至  
敷條自仲夏

月令仲夏之月木槿榮

荏苒雜秋卉老人齒髮衰閱世

殊少味炎涼等晨暮草草寓生意

江南第一花

山谷詩玉簪墜地無人拾化作江南第一花

得名獨因藥金方

秉正色厥白孰與比愛其玉無瑕持以配君子終焉忌  
太潔采摘從此始莫上美人頭膏油能污爾

敬善堂詩集卷三十九

九

海棠以秋名應候開最早媚人取顏色娟秀亦自好大  
葉承綠盤幽芳出紅裯亭亭矜獨艷脉脉視羣槁春為  
耀眼花秋作斷腸草寄語賞花人千金須善寶

高梧葉旋頽苦竹歲不實九苞鳳德衰墜地尚仙質  
翩翩宜具體五綵爛初日俗眼視如蓬紛紛難致詰稱呼  
隨世變愛惜從緣結誰知好女花可入昆耶室

吳文數員外餉鮮荔枝憶戊寅六月與竹垞先生同遊西禪寺飽噉此味慨然有作

不踏三山路於今十四年每談甘露味輒想荔支鮮好  
友能分餉浮生感宿緣曾同朱老喫惆悵望西禪

少陵詩果

熟且同朱老喫

翁羅軒為西厓畫柳舍漁莊圖有詩索和次韻  
三首

縹緲虛無外空明蕩漾前何從分筆墨直是散雲煙詩  
好原通畫神清果得仙漁村楊柳岸放眼即湖天  
宛轉橋臨渚參差樹隱莊棹應迷客入車或遣兒將命  
意何瀟灑為期但渺茫兩三垂白叟篝火話溪堂  
歸宿知何地披圖大可尋冷官疎熱客老境炯初心重  
碧千層浪遙青一寸岑篋中無長物終不羨籬金

西厓視學中州重修龍門香山寺後一年汪退  
谷以事入秦過洛中命主僧種松數百株因繪  
成橫卷兩公往復之作在焉索余繼和四首

敬業堂詩集卷三九

三

俸薄官清舉廢難種松初返舊時觀風流二老知誰繼  
畫裏亭臺補復完

甲子俄驚十五周剎那滅劫已千秋自開成六年至今  
諭十五甲子矣  
多情八節灘頭水重挾松聲上石樓

曾否經堂認寫真却將綺語懺前塵他時編入支提藏  
莫忘題詩第四人兩公倡和而外惟索  
西谷及余詩故云

夢裏曾遊亦勝緣鼎門南去是伊川打鐘掃地初心在  
終著袈裟喚渡船

食鷄頭

芡盤每憶家鄉味忽有珠璣入我喉絕勝嘗新會靈觀  
鷄頭池上剝鷄頭汴中芡實出會靈觀歐蘇皆有詩京  
師德勝門內有鷄頭池當因此得名

也

以庭前新棗餉德尹二首

已經半月申童約又剩高枝與鳥鴿比似洞天無核棗

一枚聊解此生饒東坡云朱明洞是蓬萊第七洞天有無核棗唐永樂道士侯大華以食棗

仙去予在岐下亦得食一枚云

人間千樹等封君此語曾聞貨殖云好笑貧官貧徹骨

一株還就比鄰分

晒藥示紅椒上人

故人憐吾衰往往致藥料王幼芬自蜀中貽黃連貝母附子鬱金湯西陲自遠東歸

貽鹿膠五味子東西朔南產地道悉精妙賤棄靳管麻貴儲同

美饒居然聚成肆巾笥蓄海嶠炮炙所未加蠹叢劇牛

敬業堂詩集卷三九

三

噍幸辭梅雨漬喜及秋陽照連朝風色佳拓牖啓奧窔

清泉滌宿垢緩火焙瓦銚銚鼻觀通眾香薰然徹腦竅調

柔在心性外物徒詭弔還復觀我身癡愛於何名維摩經從

癡有愛則我病生然而我有病此病非藥療自從客京塵四大

苦纏繞去聲攀援乃根本客疾從此勦齒落憐舌柔聲謹

憎耳剽狂華瞥眼翳殘焰灰心燒依回翦翮籠滌刺貪

餌釣窮非學子諱痛甚舍人警近讀維摩經衰年忽如

少虛空一床座環顧不得徼芥子納須彌諸天初不覺

大海入毛孔龍鼉性無燒向來煩惱因拊擋付煙燎而

今方丈室誓絕慈悲叫欲將藥施人恐被醫王笑

中秋赴座王澤州公之召公首唱七律一章仰

次原韻

乘鸞顧兔望盈盈恍坐璜臺第十成  
桂樹有香秋倍爽  
丹丘無月晝同明  
滿堂賓客沾餘筆  
前席生徒奉橋衡  
公視浮雲如富貴  
何煩問夜卜陰晴

席間遇雨相國復有留諸子待月之作再次原

韻

子魚通印雀披綿不數侯  
鯖侈食前東閣再開延客地  
南樓重上晚涼天  
林泉興在何時遂  
風雨情深此夜偏  
兩串驪珠光照座  
賽看蟾魄十分圓

題王文選浣花溪垂釣圖小照二首

小舟閣淺沙巨石壓深澗  
忽動綠玻璃遊魚嚼花影

敬業堂詩集卷三十九

三

溪頭幾株桃多被柳拂開幽人此中坐  
蒟笠青於苔

題表弟湯納時授經圖

與君中表序弟昆  
往還猶記隨家尊  
來時奉杖出候門  
長者前導幼踵跟  
聖童十歲名早喧  
六經背誦河傾源  
我慙却立心自捫  
同年詎可同隊論  
爾來幾何閱晨昏  
年踰六十手一反  
女長已嫁男已婚  
不獨抱子兼抱孫  
我雖竊祿鶴在軒  
君猶需次羊觸藩  
夢歸往往得故園  
披圖相對兩悅魂  
君家紫雲山下村  
護田之水清不渾  
有孫可教經可翻  
只坐入口艱饗殮  
絃歌三徑思所存  
桑榆力挽扶桑暎  
黃精掃盡霜蓬根  
一笑重續兒童言

王樓村同年忍冬齋賞菊分韻得頭字十韻

晚菊多佳色書齋位置幽乍來寬束縛相對解綢繆冷  
偏精神透清宜臭味投近盃浮藥氣照影出花頭肅肅  
霜如剪團團露欲流蟹胥黃剖殼鶴氅白披裘籬下非  
無伴益邊剩有秋酒徒謹復合詩至病初瘳莫以蹉跎  
歎終能爛熳酬年年高興在亦足慰淹留

次韻答東亭弟滇南見寄之作

西風萬葉催黃落鷲鳥盤空恣拏攫南中誰遣雁飛迴  
滿紙言愁嗟落魄我從前夏與子別行坐時時感離索  
荒山亂水夜郎城憶走從軍恍如昨一身輕出曾投筆  
萬里初歸但垂橐兵戈回首三十年鳥道羊腸夢猶愕  
子今宦遊乃落此恍惚披圖見滇畧邪龍東徙窟宅清

敬業堂詩集卷三九

三

狂象南奔夷爨削浪宮水曳青羅帶點蒼山淬芙蓉萼  
武侯故壘屹關城阿育遺封割岩壑鳴琴理訟三時暇  
傳鼓排衙百吏諾才優官事非難了俗儉民情遙可度  
愁懷得酒且暫開詩體如騷亦間作此間索米大不易  
應笑枯匏繫京洛性癖難陪冠蓋游興闌只想田園樂  
馳書為報天南弟待作癯仙同跨鶴

武英殿書局告竣除夕口占

窮年書課恰如期喜甚兒童放學時剩曆一行還餞臘  
涉冬三月可無詩舊巢天上重來夢殘局燈前未了棊  
斑鹿黃牛仍拜賜白頭慙愧被恩私

前二日復入南書房蒙

賜歲酒羊鹿魚雜等物仍年例也

敬業堂詩集卷三十九

